



REPUBLIKA E KOSOVËS - REPUBLIKA KOSOVA - REPUBLIC OF KOSOVO
KËSHILLI GJYQËSOR I KOSOVËS - SUDSKI SAVET KOSOVA - KOSOVO JUDICIAL COUNCIL
PANELI ZGJEDHOR PËR ANKESA DHE PARASHTRESA
IZBORNI PANEL ZA ŽALBE I PREDSTAVKE - ELECTION COMPLAINTS AND APPEALS PANEL

Anr.194/2025

PANELI ZGJEDHOR PËR ANKESA DHE PARASHTRESA (PZAP), në panelin e përbërë nga gjyqtarët: Kujtim Pasuli kryesuese, Violeta Husaj Rugova dhe Ramush Bardiqi anëtarë, duke vendosur përkitazi me ankesat e Subjektit Politik Lëvizja Vetëvendosje (LVV), me seli në Prishtinë, paraqitur kundër Subjektit Politik Lidhja Demokratike e Kosovës (LDK), me seli në Prishtinë, për shkak të shkeljes së Kodit të Mirësjelljes për Subjektet Politike, Mbështetësit e tyre dhe Kandidatët, gjatë fushatës zgjedhore, për Zgjedhjet e Përgjithshme për Kuvendin e Republikës së Kosovës që do të mbahen më datë 09.02.2025, në seancën e panelit të mbajtur më datë 27.01.2025, merr këtë:

V E N D I M

- I. Pranohen të bazuara ankesat e subjektit politik Lëvizja Vetëvendosje (LVV), me seli në Prishtinë, Anr.194/2025 dhe Anr.195/2025, të datës 25.01.2025.
- II. Subjektit Politik Lidhja Demokratike e Kosovës (LDK), me seli në Prishtinë, për shkak të shkeljes së Kodit të Mirësjelljes për Subjektet Politike, Mbështetësit e tyre dhe Kandidatët, i shqiptohet dënimi më gjorbë në lartësi prej 5, 000.00 (pesëmijë) euro.
- III. Detyrohet Subjektit Politik Lidhja Demokratike e Kosovës (LDK), me seli në Prishtinë, që gjorbën e shqiptuar si në pikën -II-, të dispozitivit të këtij vendimi, ta paguaj në afat prej 15 ditëve, nga dita e plotfuqishmërisë së këtij vendimi.

A r s y e t i m

Me datë 25.01.2025, PZAP-i, ka pranuar ankesat Anr.194/2025 dhe Anr.195/2025, të parashtruara nga subjekti politik Lëvizja Vetëvendosje (LVV), me seli në Prishtinë, kundër Subjektit Politik Lidhja Demokratike e Kosovës (LDK), me seli në Prishtinë.

Në ankesat pretendohet se më 25 janar 2025, Qendra e Lëvizjes Vetëvendosje, në Prishtinë ka identifikuar banerin/posterin i vendosur në hapësirat/rrugët publike të kandidatëve për deputet të LDK-së Lumir Abdixhiku, Berat Rukiqi, Jeta Rafuna-Hasani, Jehona Lushaku, Ismet Beqiri dhe të tjerë, në rrugën publike "Nazim Gafurri", në Toukbahçe si dhe baneri/posteri i vendosur në hapësirat/rrugët/sheshet publike, të kandidatës për deputete të LDK-së Jehona Lushaku Sadriu, konkretisht të vendosur në sheshin publik përballë Prokurorisë Speciale të Republikës së Kosovës, rruga "Luan Haradinaj", në Prishtinë.

Më këto veprime kandidatët dhe Subjekti Politik LDK, kanë bërë shkeljen e nenit 34, paragrafi 1, nën paragrafi 1.2 të Ligjit Nr.08/L-228 për Zgjedhjet e Përgjithshme në Republikën e Kosovës

LZP. Si provë parashtruesi i ankesave ka bashkangjitur fotografi që dëshmon vendosjen e banerit/posterave në kundërshtim me LZP.

Parashtruesi i ankesave thekson se me këto veprime kandidati dhe subjekti politik LDK kanë bërë shkelje të nenit 34, paragrafi 1 nën paragrafi 1.2 të Ligjit Nr.08/L-228 për Zgjedhjet e Përgjithshme në Republikën e Kosovës-LZP, nenit 34 paragrafi 1 nën paragrafi 1.2 i Ligjit NR.08/L-228, për Zgjedhjet e Përgjithshme në Republikën e Kosovës, ku parashihet se *“Vendosja e njoftimeve, pllakateve dhe posterëve, ose përndryshe vendosja e emrave të tyre ose sloganeve në lidhje me fushatën zgjedhore brenda ose jashtë ndërtesave publike ose godinave në apo mbi rrugët publike, në shenjat publike të trafikut brenda ose jashtë hapësirave ose ndërtesave të zëna ose ndryshe që shfrytëzohen nga organizatat ndërkombëtare ose brenda ose ne hapësirat private pa lejen e pronareve ose shfrytëzuesve.”*

Më datë 26.01.2025, PZAP-i, e njoftoi subjektin politik Lidhja Demokratike e Kosovës (LDK), me seli në Prishtinë, për ankesat e paraqitura kundër tyre, duke i dërguar kërkesë për përgjigje.

Në përgjigje në ankesë, paraqitur më datë 27.01.2025, subjekti politik Lidhja Demokratike e Kosovës (LDK), ka theksuar se në rastin e ankesës Anr.194/2025, kemi të bëjmë me vendosjen e led-posterëve sipas kontratës për shfrytëzimin e hapësirave publike e lidhur mes operatorit ekonomik “Selmans Network” me Subjektin Politik LDK, ndërsa në rastin e ankesës Anr.195/2025, kemi të bëjmë me vendosje të materialit-posterit me pëlqim të përkohshëm për shfrytëzim të hapësirës publike të lëshuar nga Komuna e Prishtinës - Drejtoria për Shërbime Publike, Mbrojtje dhe Shpëtim.

Kërkon që PZAP-i të merr vendim me të cilin do të refuzohet ankesa e Subjektit Politik LVV, si e pa bazuar.

Paneli, në kuptim të nenit 9 paragrafi 5, nën paragrafi 5.5 të Rregullores Nr.01/2024, për Procedurat e Parashtrimit dhe Vendosjes së Ankesave të PZAP-it, dhe nenit 84 paragrafi 1 të Ligjit Nr.05/L-031, për Procedurën e Përgjithshme Administrative, me qëllim të ekonomizimit të procedurës, ka bashkuar ankesat Anr.194/2025 dhe Anr.195/2025, të paraqitura me datë 25.01.2025, dhe janë trajtuar me një vendim, andaj procedimi i këtyre ankesave evidentohen nën shenjë e përbashkët A.nr.194/2025, për shkak të natyrës së njëjtë të çështjeve, si për nga përmbajtja ashtu edhe për nga kërkesat e paraqitura të ankuesit.

PZAP-i, pasi që shqyrtoj dhe vlerësoi ankesat gjeti se:

Ankesat janë të bazuara

Paneli pas shikimit të shkresave të lëndëve dhe përgjigjes në ankesë të paraqitur nga Subjekti Politik LDK, vlerësoj se pretendimet e Subjektit Politik LVV, janë të qëndrueshme dhe si të tilla i aprovoj për faktin se veprimet e përshkruara në ankesë paraqesin shkelje të dispozitës së nenit 34 paragrafi 1 nën paragrafi 1.2 i Ligjit NR.08/L-228, për Zgjedhjet e Përgjithshme në Republikën e Kosovës, ku parashihet se *“Vendosja e njoftimeve, pllakateve dhe posterëve, ose përndryshe vendosja e emrave të tyre ose sloganeve në lidhje me fushatën zgjedhore brenda ose jashtë ndërtesave publike ose godinave në apo mbi rrugët publike, në shenjat publike të trafikut brenda ose jashtë hapësirave ose ndërtesave të zëna ose ndryshe që shfrytëzohen nga organizatat ndërkombëtare ose brenda ose ne hapësirat private pa lejen e pronareve ose shfrytëzuesve.”*

Paneli gjatë shqyrtimit të provave gjegjësisht Kontratës së LDK-së me Operatorin Ekonomik Selman Network, SH.P.K, të datës 11 Janar 2025, që ka të bëjë me ankesën Anr.194/2025, ka

vërejtur se e njëjta kontratë nuk përmban asnjë të dhënë se operatori ekonomik në fjalë të ketë lidhë ndonjë kontratë me Komunën e Prishtinës për shfrytëzimin e këtyre hapësirave publike reklamuese, përkatësisht për të pasur të drejtë që të njëjtat hapësira reklamuese t'ia bartë personit të tretë. Gjithashtu, nuk është lëshuar asnjë leje për shfrytëzimin e hapësirave të tjera publike për reklamim, ndërsa sipas kontratës të prezantuar si dëshmi nga subjekti politik LDK, nuk rezulton se operatori ekonomi Selman Network sh.p.k, mund të jep leje për publikimin e posterave, por ka për obligim mirëmbajtjen dhe menaxhimin e pritoreve për tri vite, përfshirë këtu edhe hapësirën reklamuese.

Sa i përket pretendimeve që ndërlidhen me përgjigjen në ankesë për rastin Anr.195/2025, se bëhet fjalë për vendosje të materialit-posterit me pëlqim të përkohshëm për shfrytëzim të hapësirës publike të lëshuar nga Komuna e Prishtinës Drejtoria për Shërbime Publike, Mbrojtje dhe Shpëtim nuk mund të pranohet pasi që nga pëlqimi i datës 27.01.2025, të lëshuar nga drejtoria e lartcekur rezulton se ky pëlqim për vendosjen e një posteri në qendër të qytetit, konkretisht përball Prokurorisë Speciale për deputeten Jehona Lushaku Sadriu lejohet të qëndroj nga data 27.01.2025 deri me datë 09.02.2025, ndërsa nga provat e prezantuara në ankesë rasti i vendosjes së posterit ka ndodhur me datën 25.01.2025, para se të merrej pëlqimi për vendosjen e posterit nga organi kompetent, andaj ky pëlqim nuk prodhon efekt juridik.

Paneli ka vlerësuar se vendosja e posterave nga subjekti politik LDK respektivisht kandidatet e këtij subjekti në hapësirat publike, në mungesë të lejes përkatëse të lëshuar nga Komuna e Prishtinës i konsideron si shkelje të nenit 34 paragrafi 1 nën paragrafi 1.2 i Ligjit NR.08/L-228, për Zgjedhjet e Përgjithshme në Republikën e Kosovës.

Paneli, me rastin e vendosjes së gjobës si në dispozitiv të këtij vendimi, ka marrë parasysh të gjitha rrethanat si në vijim: natyrën e shkeljes, dhe ndikimit të mundshëm të saj në procesin zgjedhor në fjalë, shkallën dhe peshën e shkeljes, se ky veprim i tyre përbën përsëritje të shkeljes së legjislacionit zgjedhor, pra ka bërë shkelje të tilla edhe në proceset e mëparshme zgjedhore. Kjo konsiston në faktin se Subjekti Politik LDK, ka qenë i njoftuar me obligimet dhe përgjegjësit gjatë procesit të fushatës zgjedhore. Andaj përfshirja e posterëve të subjektit të tyre politik për fushatë zgjedhore në hapësira publike gjegjësisht në rrugët publike për të cilat nuk posedojnë Pëlqim nga Komuna e Prishtinës, përbën shkelje të legjislacionit zgjedhor, saktësisht e sanksionuar me dispozitivën e nenit 34 paragrafi 1 nën paragrafi 1.2 të Ligjit NR.08/L-228, për Zgjedhjet e Përgjithshme në Republikën e Kosovës, dhe të njëjtit subjekt politik për të njëjtën shkelje i është shqiptuar gjobë nga PZAP gjatë këtij procesi zgjedhor.

Nga arsyet e theksuar më lartë duke bazuar nënin 117 paragrafi 3, neni 118 paragrafi 1 dhe neni 120 paragrafi 1 nën paragrafi 1.3 të LZP-së, të LZP-së, paneli vendosi si në dispozitiv të këtij vendimi.

Paneli Zgjedhor për Ankesa dhe Parashtresa

Anr.194/2025 më datën 27.01.2025

Kryesuesë e Panelit
Kujtim Pasuli



Këshilla Juridike: Kundër këtij vendimi nuk është e lejuar ankesa sipas nenit 118 par. 4 të LZP-së.